



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-438-4/25**

Datum: **18.03.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «RAD» d.d. Tešanj za donošenje rješenja o vodnoj dozvoli za aktivnosti u postupku sanacije postojeće deponije i izgradnje pratećih sadržaja prilagođenih regionalnom konceptu odlaganja koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta deponije komunalnog otpada «Bukva» u naselju Bukva, općina Tešanj, na osnovu člana 116. stav (2) a u vezi sa članom 109. stav (1) tačka 2. i 11. i stav (2) tačka 1. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

Odbija se zahtjev pravnog lica JP «RAD» d.d. Tešanj za donošenje rješenja o vodnoj dozvoli za aktivnosti u postupku sanacije postojeće deponije i izgradnje pratećih sadržaja prilagođenih regionalnom konceptu odlaganja koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta deponije komunalnog otpada «Bukva» izgrađene u naselju Bukva na zemljištu označenom kao k.č. broj: 5/3, 13 i 1112/3 K.O. Novo Selo, općina Tešanj, **kao neosnovan** jer nisu ispunjeni uslovi prečišćavanja i ispuštanja tehnoloških otpadnih voda u okoliš odnosno nisu zadovoljene granične vrijednosti emisija otpadnih voda kod njihovog ispuštanja u okoliš i sisteme javne kanalizacije a što je uslov za izdavanje rješenja o vodnoj dozvoli.

O b r a z l o ž e n j e

Pravno lice, JP «RAD» d.d. Tešanj, obratilo se ovoj Agenciji dana 15.10.2025. godine sa zahtjevom za izdavanje vodne dozvole za sanaciju postojeće deponije komunalnog otpada «Bukva» i izgradnju pratećih sadržaja prilagođenih regionalnom konceptu odlaganja u naselju Bukva na zemljištu označenom kao k.č. broj: 5/3, 13 i 1112/3 K.O. Novo Selo, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 043-0-Reg-08-002849 izdatog dana 11.11.2008. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 08.03.2024. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o poreznoj registraciji izdatog dana 08.01.2010. godine od strane Porezne uprave – Kantonalni ured Zenica,
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-6544-2/09 izdatog dana 13.01.2010. godine od strane Uprave za indirektno-neizravno oporezivanje Banja Luka,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-70322/13 izdatog dana 17.09.2013. godine od strane Službe za statistiku za područje Zeničko-dobojskog kantona,
- Kopije katastarskog plana K.O. Novo Selo, broj plana 2 UR broj: 06-26-11-4529/2025-3 i broj plana 10 UR broj: 06-26-11-4529/2025-4 izdatih dana 19.08.2025. godine od strane Službe za katastar, urbanizam i imovinsko-pravne poslove Općine Tešanj,
- Kopija Posjedovnog lista broj 808 UR broj: 06-26-11-4529/25-2 izdatog dana 19.08.2025. godine od strane Službe za katastar, urbanizam i imovinsko-pravne poslove Općine Tešanj,
- Kopija Rješenja o vodnoj saglasnosti broj: UP-I/25-2-40-136-2/20 izdatog dana 21.04.2020. godine od strane «Agencije za vodno područje rijeke Save» Sarajevo,
- Kopija Rješenja o odobrenju za građenje – izvođenje radova na sanaciji (zatvaranju) postojeće deponije komunalnog otpada «Bukva» i izgradnja pratećih sadržaja prilagođenih regionalnom

konceptu odlaganja broj: 12-19-1710/20 izdatog dana 12.05.2020. godine od strane Ministarstva za prostorno uređenje, promet i komunikacije i zaštitu okoliša Zeničko-dobojskog kantona,

- Kopija Rješenja o odobrenju za upotrebu dijela građevine (II faza – nova ploha za deponovanje otpada sa kolskom vagom u postupku sanacije (zatvaranja) postojeće deponije komunalnog otpada «Bukva» i izgradnje pratećih sadržaja prilagođenih regionalnom konceptu odlaganja) broj: 12-19-7533/23 izdatog dana 22.05.2024. godine od strane Ministarstva za prostorno uređenje, promet i komunikacije i zaštitu okoliša Zeničko-dobojskog kantona,
- Kopija Zapisnika Komisije za tehnički pregled II faze izvedenih radova – izgradnja nove plohe za deponovanje otpada i izgradnja kolske vage u postupku sanacije (zatvaranja) postojeće deponije komunalnog otpada «Bukva» i izgradnja pratećih sadržaja prilagođenih regionalnom konceptu odlaganja potpisan od svih članova dana 29.04.2024. godine,
- Kopija Rješenja o okolinskoj dozvoli za sanaciju postojeće deponije komunalnog otpada «Bukva» i izgradnju pratećih sadržaja prilagođenih regionalnom konceptu odlaganja broj: 12-19-03260/23 izdatog dana 03.04.2024. godine od strane Ministarstva za prostorno uređenje, promet i komunikacije i zaštitu okoliša Zeničko-dobojskog kantona,
- Kopije Izvještaja broj: OP-02.4-11-2164/25, juli 2025. godine i broj: OP-02.4-11-3378/25, novembar 2025. godine o ispitivanju otpadnih voda za kolektor Deponija Bukve urađenih od strane Ispitne laboratorije JP «RAD» d.d. Tešanj,
- Glavni projekat za sanaciju postojeće deponije komunalnog otpada «Bukva» Općine Tešanj i izgradnju pratećih sadržaja prilagođenih regionalnom konceptu odlaganja – Centar za upravljanje otpadom CUO (II faza – uvjeti za Građevinsku dozvolu), Knjiga 2 – Hidrotehnički proračuni urađen od strane «SENDO» d.o.o. Sarajevo, august 2019. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetne deponije komunalnog otpada «Bukva» u naselju Bukva, općina Tešanj i tom prilikom je sačinjen Zapisnik o uviđaju broj: UP-1/21-3-40-438-3/25 od 03.02.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetna deponija komunalnog otpada «Bukva» nalazi se na lokalitetu Vila u naselju Bukva na zemljištu označenom kao k.č. broj: 5/3, 13 i 1112/3 K.O. Novo Selo na udaljenosti od oko 2 km sjeveroistočno od urbanog dijela općine Tešanj. Deponija je sa zapadne strane ograđena ogradom sa betonskim stubovima i metalnom žicom ukupne dužine 800,0 m a sa istočne i sjeverne strane obodnim kanalom i kosinama. Na lokaciji deponije izgrađeni su sljedeći objekti: portirnica, nadstrešnica za mehanizaciju, plato za pranje vozila i mehanizacije, laguna za prihvat procjednih voda, objekat za presovanje PET ambalaže, kolska vaga, servisne saobraćajnice.

Za izvedene radove dijela građevine (II faza – nova ploha za deponovanje otpada i kolska vaga) u postupku sanacije postojeće deponije komunalnog otpada «Bukva», od strane nadležnog ministarstva Zeničko-dobojskog kantona izdato je rješenje o upotrebi.

Snabdijevanje pitkom vodom za potrebe uposlenih, za pranje vozila te vodom za potrebe hidrantske mreže riješeno je priključkom na gradski vodovodni sistem kojim upravlja JP «RAD» d.d. Tešanj.

Otpadne vode nastale na predmetnoj deponiji mogu se grupisati na sljedeći način:

- Procjedne vode nastale u tijelu deponije
- Procjedne vode ispod tijela deponije koje mogu nastati u slučaju eventualnog pucanja zaštitne folije
- Tehnološke otpadne vode nastale pranjem vozila na platou predviđenom za pranje
- Oborinske vode obodnog kanala i oborinske vode sa manipulativnih površina
- Sanitaro-fekalne vode iz toaleta za uposlene u objektu portirnice

Kao posljedica procesa odlaganja otpada na predmetnoj deponiji komunalnog otpada dolazi do produkcije procjednih voda koje se prikupljaju putem PE drenažnih cijevi DN 250 mm a potom, punom cijevi PE DN 250 mm, odvođe u lagunu za procjedne vode u čijoj neposrednoj blizini je izgrađeno pumpno postrojenje za recirkulaciju procjedne vode iz lagune ponovno na tijelo deponije.

Preliv iz lagune je preko revizionog okna u kolektor otpadnih voda deponije sa krajnjim ispustom u rijeku Tešanjku. Monitoring otpadnih procjednih voda vrši se redovno na mjernom mjestu - okno za monitoring neposredno nakon lagune/taložnika.

Prema dostavljenim Izvještajima o ispitivanju otpadnih voda za kolektor Deponija Bukve urađenim od strane Ispitne laboratorije JP «RAD» d.d. Tešanj, juli i novembar 2025. godine utvrđena su značajna prekoračenja graničnih vrijednosti emisija utvrđenih u Prilogu 19. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

S tim u vezi, JP «RAD» d.d. Tešanj poduzelo je aktivnosti na izgradnji postrojenja za prečišćavanje procjednih voda nastalih na deponiji «Bukva». Postrojenje je planirano u neposrednoj blizini postojećeg bazena za prikupljanje procjednih voda a na dijelu parcele označene kao k.č. broj: 5/3 K.O. Novo Selo, općina Tešanj (u toku je postupak donošenja Rješenja o vodnoj saglasnosti).

U kolektor otpadnih voda deponije ispuštaju se sanitarno fekalne vode iz toaleta, oborinske vode prikupljene djelimično izgrađenim obodnim kanalom uz servisnu saobraćajnicu deponije, oborinske vode sa manipulativnih površina kao i tehnološke otpadne vode nastale pranjem vozila za prevoz otpada. Projektnom dokumentacijom na koju je od strane Agencije izdato Rješenje o vodnoj saglasnosti nije predviđen plato za pranje vozila ali je predviđena ugradnja nekoliko separatora za tretman oborinskih otpadnih voda sa manipulativnih površina i saobraćajnica prije konačnog ispusta u recipijent koji nisu ugrađeni.

Razmatrajući podneseni zahtjev, a na osnovu uvida u dostavljenu dokumentaciju i uviđaja izvršenog na predmetnom lokalitetu, konstatuje se da podnosilac zahtjeva nije ispunio uslove za izdavanje vodne dozvole, odnosno nisu realizovane sve faze projekta sanacije deponije «Bukva» uključujući i postrojenje za tretman otpadnih voda koje je neophodno za funkcionisanje deponije.

Na osnovu prednjeg i provedenog postupka, uzimajući u obzir činjenicu da kvalitet ispuštene vode na mjernom mjestu – reviziono okno (preliv iz lagune procjednih voda) ne zadovoljava granične vrijednosti emisija utvrđene Uredbom o uslovima ispuštanja otpadnih voda u okoliš i sisteme javne kanalizacije, konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena vodna dozvola, pa je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-438-2/25 od 05.11.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

– JP «RAD» d.d. Tešanj

Trg žrtava 3. augusta broj 2, 74260 Tešanj

⊖ AVP, ISV – Vodna knjiga

– Sektor 40, arhiva

– Oglasna ploča, AVP Sava